




Republika e Kosovës
Republika Kosova
Republic of Kosovo



Kuvendi Komunal-Kamenicë
Më: 03.03.2026

Duke u bazuar në nenin 12 paragrafi 12.2 shkronja d), nenit 40 paragrafi 40.2 shkronja d) të Ligjit për Vetëqeverisje Lokale, në nenin 38 të Statutit të Komunës së Kamenicës Sh.01.Nr.20203 të datës 21.06.2023, si dhe duke marrë për bazë Rekomandimin e Komisionit sipas vendimit me nr. Sh.01 Nr. 3065 i dt. 04.02.2026, për hartimin e Planit të Punës së Kuvendit Komunal, Draft-Planit Sh.01, Nr.4675 i datës: 20.02.2026, Kuvendi i Komunës së Kamenicës, në mbledhjen e mbajtur me 27.02.2026, miraton këtë:

V E N D I M

PËR MIRATIMIN E PLANIT TË PUNËS TË KUVENDIT TË KOMUNËS SË KAMENICËS PËR VITIN 2026


1. **Miratohet** Vendimi për Planin e Punës së Kuvendit Komunal për vitin 2026
2. Pjesë përbërëse e këtij vendimi është Plani i Punës së Kuvendit me nr. Sh.01, Nr.4675 i datës: 20.02.2026 për vitin 2026.
3. Ky vendim hyn në fuqi 7 ditë pas publikimit në gjuhë zyrtare në ueb faqe të komunës.
4. Për zbatimin e Planit të Punës së Kuvendit Komunal për vitin 2026, kujdeset Kryesuesja e Kuvendit Komunal.

Vendimi iu dërgohet:

Kryetarit të Komunës, Kryesueses së Kuvendit, Shërbimit të Kuvendit, Zyrës së Përkthimeve, Ministrisë së Administrimit të Pushtetit Lokal (MAPL), QSHQ-Arkivit.

Kryesuese e Kuvendit Komunal





Republika e Kosovës
Republika Kosova
Republic of Kosova

Komuna e Kamenicës
Opstina Kamenica
Kamenica Municipality



PLANI I PUNËS
SË KUVENDIT TË KOMUNËS SË KAMENICËS PËR VITIN 2026

Parathënie

Kuvendi i Komunës është organi më i lartë përfaqësues në Komunë dhe zgjidhet drejtpërdrejt nga qytetarët. Ai ushtron funksionet e tij në bazë të Ligjit për Vetëqeverisje Lokale, Statutit të Komunës, Rregullores së Punës dhe akteve të tjera ligjore dhe nënligjore në fuqi.

Në kuadër të kompetencave të tij, Kuvendi i Komunës merr vendime me rëndësi të veçantë për funksionimin institucional të Komunës, duke përfshirë miratimin e Statutit dhe Rregullores së Punës, miratimin e buxhetit dhe planeve investuese, çështjet financiare të rezervuara për Kuvendin, planin vjetor të punës dhe raportin vjetor, nivelin e tarifave dhe ngarkesave, si dhe vendime të tjera të përcaktuara me ligj.

Kuvendi i Komunës, në përputhje me legjislacionin në fuqi, ka gjithashtu përgjegjësi në krijimin dhe përdorimin e simboleve, dekoratave dhe titujve të nderit të Komunës, emërimin dhe rrimërimin e rrugëve dhe vendeve publike, arritjen e marrëveshjeve ndër komunale dhe brenda komunale, si dhe marrjen e vendimeve për anëtarësim në asociacione përfaqësuese të komunave të Republikës së Kosovës.

Komuna siguron kushte të përshtatshme për mbajtjen e seancave të Kuvendit të Komunës, mundëson pjesëmarrjen e qytetarëve në seanca dhe garanton transparencë të plotë për të gjitha vendimet dhe aktet.

Për marrjen e vendimeve, Kuvendi mund t'ia delegojë pushtetin komitetit të caktuar të Kuvendit ose Kryetarit të Komunës, me të drejtë që delegimi të tërhiqet në çdo kohë.

Plani i Punës së Kuvendit të Komunës së Kamenicës është hartuar në përputhje me **Ligjin për Vetëqeverisje Lokale, Statutin e Komunës, Rregulloren e Punës së Kuvendit** dhe aktet e tjera ligjore dhe nënligjore në fuqi. Plani strukturohet sipas një kornize logjike dhe planifikon realizimin e detyrave dhe përgjegjësi të Kuvendit, duke synuar funksionim të qartë, të koordinuar dhe transparent.

Për vitin 2026 Kuvendi planifikon të mbajë të paktën **12 seanca të rregullta**, ku do të trajtohen të gjitha çështjet që janë në interes të komunës dhe qytetarëve. Në kuadër të këtyre seancave, Plani parashikon:

- Organizimin e mbledhjeve sipas Rregullores së Punës dhe akteve në fuqi;
- Funksionalizimin e plotë të komiteteve, komisioneve dhe trupave tjerë të Kuvendit, si dhe raportimin e tyre para Kuvendit të paktën një herë në vit;
- Shqyrtimin e raporteve të rregullta të punës së Kryetarit të Komunës;
- Miratimin e buxhetit, planeve investuese, planit vjetor të prokurimit, planit të punës së auditorit të brendshëm dhe planeve rregulluese;
- Miratimin e çështjeve financiare të rezervuara për Kuvendin;
- Shqyrtimin dhe harmonizimin e rregulloreve ekzistuese dhe miratimin e rregulloreve të reja;
- Mbikëqyrjen, analizimin dhe vlerësimin e punës së Ekzekutivit të Komunës.

Ky plan synon të sigurojë një funksionim efektiv dhe të koordinuar të Kuvendit, si dhe pjesëmarrje aktive dhe transparencë të plotë ndaj qytetarëve të Kamenicës.

Përfundim :

Plani Vjetor i Punës së Kuvendit të Komunës do të ndihmojë dhe lehtësojë zhvillimin e punimeve të mbledhjeve të Kuvendit. Duke iu ofruar anëtarëve të Kuvendit këtë plan, ata do të kenë një pasqyrë të qartë për punët dhe aktivitetet e parapara për vitin 2026, të cilat lidhen me interesat e Komunës dhe të qytetarëve në përgjithësi.

Me këtë plan pune janë paraparë 12 (dymbëdhjetë) mbledhje të rregullta, ndërsa sipas nevojës mund të mbahen edhe mbledhje të tjera, përfshirë edhe mbledhje të jashtëzakonshme, urgjente dhe solemne, ashtu siç parashihet me Ligj, Statutin e Komunës dhe aktet tjera ligjore dhe nënligjore, varësisht nga fushat dhe kompetencat përkatëse.

Kryesuesja e Kuvendit, varësisht nevojave, mban takime mujore me përfaqësuesit/shefat e grupeve të këshilltarëve nga subjektet politike të përfaqësuara në Kuvend, me qëllim të bashkërendimit të punës së komiteteve obligative dhe funksionale, si dhe të punës së Kuvendit të Komunës.

Për mbarëvajtjen e zbatimit të aktiviteteve sipas dinamikës së përcaktuar me këtë plan, do të përkujdeset Kryesuesja e Kuvendit.

Realizimi i Planit të Punës së Kuvendit kërkon bashkërenditje dhe koordinim të aktiviteteve me Ekzekutivin e Komunës, i cili duhet që sa më shumë të jetë e mundur, t'i përmbahet planit të Kuvendit për vitin 2026.

Plani i punës së Kuvendit, sipas dinamikës mujore, përfshin: emërtimin e aktit/dokumentit, objektivin e tij.

Plani i Punës së Kuvendit për vitin 2026, sipas nevojave, mund të plotësohet dhe ndryshohet.

Në vijim në mënyrë tabelore për çdo muaj paraqesim aktivitetet e mbledhjeve të Kuvendit.

Rendi i Ditës

JANAR 2026

• Shqyrtimi i Raportit të punës së Kryetarit për gjashtëmuajorin e dytë të vitit 2025.
• Shqyrtimi i Raportit të Kuvendit Komunal të Kamenicës për vitin 2025.
• Shqyrtimi i Raportit Financiar Buxhetor i Komunës së Kamenicës për periudhën 1 Tetor – 31 Dhjetor (TM4) 2025.
• Shqyrtimi Raportit të Performancës Komunale për vitin 2024.
• Shqyrtimi i Informatës së Raportit të Njesisë së Auditimit të Brenshëm për vitin 2025
• Shqyrtimi i Informatës së Këshillit Komunal për Siguri dhe Bashkësi (KKSB) për vitin 2025
• Propozim Vendim për themelimin e grupit punues për hartimin e Planit vjetor të punës së Kuvendit të Komunës së Kamenicës për vitin 2026.
• Kërkesë nga MAPL për rishqyrtimin dhe harmonizimin e vendimit me nr. Sh.01 Nr. 36248.
• Kërkesë nga MAPL për rishqyrtimin dhe harmonizimin e vendimit me nr. Sh.01 Nr. 21283.
• Propozim vendim për miratimin e Planit Zhvillimor Komunal 2025-2033.
• Të ndryshme

Shkurt 2026

• Shqyrtimi dhe Aprovimi i Planit të Punës së Kuvendit Komunal për vitin 2026
• Propozim Vendim për Themelimin e Këshillit Komunal për Siguri në Bashkësi
• Të ndryshme

Mars 2026

• Informatë mbi Kriteret dhe Indikatorët e Përformancës
• Bartja e Mjeteve Financiare të Pashpenzuara nga viti 2024-2025 në vitin 2026
• Plani i Punës së Prokurimit për vitin 2026
• Raporti Vjetor Financiar Janar-Dhjetor 2025
• Të ndryshme

Prill 2026

• Raporti Financiar për Periudhën Janar – Mars 2026.
• Raporti Periodik Lidhur me Progresin e Zatimit të Rekomandimeve të Auditorit .
• Hartimi i Rregulloreve të Ndryshme Komunale.
• Të ndryshme.

Maj 2026

• Rishikimi i Buxhetit të Komunës për vitin 2026.
• Informatë mbi Qarkoren e parë Buxhetore të MF-së
• Të ndryshme.

Qershor 2026

• Korniza Afatmesme Buxhetore 2025-2027.
• Raporti i Prokurimit për vitin 2026
• Informatë mbi Zbatimin e Planit të Prokurimit për vitin 2026
• Të ndryshme

Korrik 2026

• Raporti i dytë Financiar për Periudhën Prill – Qershor 2026.
• Raporti i gjashtëmujor i Kryetarit të Komunës mbi gjendjen ekonomike financiare të Komunës së Kamenicës.
• Informatë për Aktivitetet e Këshillit Komunal për Siguri në Bashkësi për Gjashtë Mujorin e Parë të Vitit 2026.
• Raporti për Vlerësimin e Performancës së Komunës për vitin 2025.
• Të ndryshme

Gusht 2026

• Informatë mbi Suksesin e Arritur të Nxënësve në fund të Gjysëmvjetorit të Dytë të Vitit Shkollor 2026-2027.
• Informatë mbi Qarkoren e dytë të brendshme Komunale
• Shqyrtimi i rregulloreve të ndryshme Komunale
• Informatë për Korrje-Shirjet për vitin 2026,
• Të ndryshme

Shtator 2026

- | |
|---|
| • Miratimi buxhetit të Komunës për vitin 2026 dhe Parashikimet Buxhetore për vitin 2027-2028. |
| • Informatë mbi Përfundimin e vitit të ri Shkollor 2025/2026. |
| • Të ndryshme |

Tetor 2026

- | |
|---|
| • Raporti Financiar për Periudhën Korrik – Shtator 2026. |
| • Raporti Periodik lidhur me Progresin e Zbatimit të Rekomandimeve të Auditorit . |
| • Hartimi, Miratimi i Rregulloreve të reja Komunale |
| • Të ndryshme |

Nëntor 2026

- | |
|--|
| • Informatë mbi Mbjelljet Vjeshtore nga Drejtoria e Bujqësisë. |
| • Informatë mbi Gjendjen në Shëndetësi. |
| • Të ndryshme |

Dhjetor 2026

- | |
|--|
| • Raporti mbi Planin e Prokurimit të Komunës për vitin 2026. |
| • Informatë për Aktivitetet e Këshillit Komunal për Siguri në Bashkësi për vitin 2026. |
| • Informatë për Zbatimin e Planit vjetor të Prokurimit |
| • Informatë mbi Planin Vjetor të Auditorit të Brendshëm . |
| • Propozim Vendim për Themelimin e Grupit Punues për Hartimin e Draft-Planit të Punës së Kuvendit Komunal për vitin 2027 |
| • Të ndryshme |


Arbnore BEQIRAJ EERA

Kryesuese e Kuvendit të Kamenicës



Republika e Kosovës
Republika Kosova
Republic of Kosovo



Kuvendi Komunal-Kamenicë
Më: 03.03.2026

Bazuar në nenin 12 paragrafi 2 shkronja d) të Ligjit (Nr.03/L-040) për Vetëqeverisjen Lokale ("Gazeta Zyrtare e Republikës së Kosovës" Nr. 28/2008), nenit 53 paragrafi 3 i Ligjit Nr. 05/L-031 për Procedurën e Përgjithshme Administrative ("Gazeta zyrtare e Republikës së Kosovës /Nr. 20/21 Qershor 2016), nenin 12 paragrafi 1 të Rregullores (MAPL) Nr.02/2021 për Procedurën e Hartimit dhe Publikimit të Akteve të Komunës, si dhe neni 38 të Statutit Sh.01.Nr.20203 datës 21.06.2023 të Komunës së Kamenicës. Kuvendi i Komunës së Kamenicës në mbledhjen e mbajtur me datë: 27.02.2026 miratoi këtë:

V E N D I M

Për Ndryshimin dhe Plotësimin e Vendimit Sh.01 Nr.21967 i datës 12.08.2025 për formimin e Komisionit për zgjedhjen e drejtorëve dhe zëvendës drejtorëve në institucionet edukativo-arsimore të Komunës së Kamenicës

1. Ndryshohet paragrafi 2, nënparagrafi 2.2 i Vendimit Bazë Sh.01 Nr.21967 i datës 12.08.2025 për formimin e Komisionit për zgjedhjen e drejtorëve dhe zëvendës drejtorëve në institucionet edukativo-arsimore të Komunës së Kamenicës, dhe riformulohet si vijon:
2. Paragrafi 2, nënparagrafi 2.2 i Vendimit Bazë Sh.01 Nr.21967 i datës 12.08.2025 për formimin e Komisionit për zgjedhjen e drejtorëve dhe zëvendës drejtorëve në institucionet edukativo-arsimore të Komunës së Kamenicës, ndryshohet dhe plotësohet si në vijim: Në vend të anëtarit të Komisionit **z. Selami Klaiqi (DKA)**, caktohet anëtare e Komisionit **znj. Belgizare Kryeziu (Drejtoreshë e Shkollës "Metush Krasniqi", Rogaçicë)**.
3. Ky Vendim është pjesë përbërëse e Vendimit Bazë Sh.01 Nr.21967 i datës 12.08.2025 për formimin e Komisionit për zgjedhjen e drejtorëve dhe zëvendës drejtorëve në institucionet edukativo-arsimore të Komunës së Kamenicës.
4. Bashkëngjitur këtij Vendimi është Vendimit Bazë Sh.01 Nr.21967 i datës 12.08.2025 për formimin e Komisionit për zgjedhjen e drejtorëve dhe zëvendës drejtorëve në institucionet edukativo-arsimore të Komunës së Kamenicës.
5. Pas miratimit nga Kuvendi i Komunës së Kamenicës, ky Vendim hyn në fuqi 30 ditë pas dërgimit në autoritetin mbikëqyrës – MAPL, si dhe 7 ditë pas publikimit në faqen zyrtare të internetit të Komunës.

Arsyetim

Me Vendimin Sh.01 Nr.21967, datë 12.08.2025, është formuar Komisioni për zgjedhjen e drejtorëve dhe zëvendësdrejtorëve në institucionet edukativo-arsimore të Komunës së Kamenicës, në përbërje të të cilit është emëruar edhe z. Selami Klaiqi, i cili në atë kohë ushtronte detyrën e Drejtorit të Gjimnazit “Ismail Qemali” në Kamenicë.

Ndërkohë, z. Selami Klaiqi është emëruar në detyrën e Drejtorit të Drejtorisë Komunale të Arsimit. Duke marrë parasysh se Rregullorja (QRK) Nr. 19/2024 përcakton përbërjen e Komisionit dhe nuk parasheh që Drejtori i Drejtorisë Komunale të Arsimit të jetë pjesë e këtij komisioni, është e nevojshme që ai të lirohet nga detyra e anëtarit të Komisionit dhe të zëvendësohet në përputhje me dispozitat në fuqi.

Për këtë arsye propozohet ndryshimi i nënparagrafit 2.2 të Vendimit Bazë dhe zëvendësimi i tij me anëtarin e re të Komisionit, me qëllim të sigurimit të funksionimit të rregullt dhe të pandërprerë të Komisionit.

Vendimi i u dërgohet: Zyrës së Kryetarit, Shërbimit të Kuvendit, Zyrës së Informimit, Zyrës së Përkthimeve, Drejtorisë Komunale të Arsimit, MAPL-së, QSHQ-Arkivit.


Kryesuese e Kuvendit Komunal
Arbnoe BEQIRAJ FERA



Republika e Kosovës
Republika Kosovë
Republic of Kosovo

REPUBLIKA E KOSOVES
REPUBLICA OF KOSOVO
CENTRALE SHËRBIM TË QY
CENTAR ZA USLUGU GRAĐANA
Nr. 01
Br. 21967
Nr. i faq. 01
Data: 12/08/2025
KAMENICEJA

Komuna e Kamenicës
Opština Kamenica
Kamenica Municipality



Kuvendi Komunal-Kamenicë

Më:06.08.2025

Bazuar në nenin 11, 12 paragrafi 2 shkronja d), nenin 17 shkronja h) dhe nenin 40 të Ligjit Nr. 03/L-040 për Vetëqeverisjen Lokale ("Gazeta Zyrtare e Republikës së Kosovës" Nr. 28/2008); nenin 44 të Ligjit Nr. 05/L-031 për Procedurën e Përgjithshme Administrative, nenin 14 të Rregullores (QRK) Nr. 19/2024 për procedurat e përzgjedhjes dhe emërimit të drejtorëve dhe zëvendësdrejtorëve, mësimdhënësve, bashkëpunëtorëve profesionalë, asistentëve, instruktorëve dhe sekretarëve në institucionet publike edukativo-arsimore dhe aftësuese (IEAA) të arsimit parauniversitar, nenin 38, paragrafi 38.1 të Statutit 01.Nr.20203 të datës 21.06.2023 të Komunës së Kamenicës, me kërkesën Sh.05.Nr.18786, të datës 22.07.2025, të parashtruar nga Drejtoria Komunale e Arsimit, Kuvendi i Komunës së Kamenicës në mbledhjen e rregullt të mbajtur me datë: 31.07.2025, miratoi këtë:

VENDIM

Për formimin e Komisionit për zgjedhjen e drejtorëve dhe zëvendësdrejtorëve në institucionet edukativo-arsimore të Komunës së Kamenicës

1. Formohet Komisioni për zgjedhjen e drejtorëve dhe zëvendësdrejtorëve në institucionet edukativo-arsimore të Komunës së Kamenicës.
2. Komisioni ka këtë përbërje:
 - 2.1. Ramadan Guda – (Zyrtar në DKA);
 - 2.2. Selami Klaiqi – (Drejtore në Gjimnazin "Ismail Qemali", Kamenicë); dhe
 - 2.3. _____ – (MASHTI).
3. Komisioni përzgjedhës obligohet që punët t'i kryejë duke u bazuar në ligjet dhe aktet nënligjore në fuqi në Republikën e Kosovës.
4. Mandati i Komisionit zgjat deri në nxjerrjen e vendimit/vendimeve përfundimtare për përzgjedhjen e kandidatit/kandidatëve në pozitën/pozitat e shpallura me konkurs.
5. Ky vendim hyn në fuqi pas miratimit nga Kuvendi i Komunës, sipas Rregullores (QRK) Nr. 06/2021 për ndryshimin dhe plotësimin e Rregullores (QRK) Nr. 10/2019 për shqyrtimin administrativ të akteve të kuvendit dhe pas publikimit në uebfaqen zyrtare të Komunës.

Vendimi t'i dërgohet: Zyrës së Kryetarit, Shërbimit të Kuvendit, Zyrës së Informimit, Drejtorisë Komunale të Arsimit, Zyrës së përkthimeve, MAPL-së, QSHQ- Arkivit.



Liridon Kastrati



Republika e Kosovës
Republika Kosova
Republic of Kosovo



Komuna e Kamenicës
Opština Kamenica
Kamenica Municipality



Kuvendi Komunal-Kamenicë
Më: 03.03.2026

Bazuar në nenin 12 paragrafi 2 shkronja d) të Ligjit Nr. 03/L-040 për Vetëqeverisjen Lokale në Kosovë, dhe në përputhje me Statutin e Asociacionit të Komunave të Kosovës (AKK) me nr. 237/15 i dt. 16.06.2015, si dhe në mbështetje të nenit 38 të Statutit Sh.01.Nr.20203 datës 21.06.2023 të Komunës së Kamenicës. Kuvendi i Komunës së Kamenicës në mbledhjen e mbajtur me datë: 27.02.2026 miratoi këtë:

V E N D I M

Për zgjedhjen e delegatëve të Komunës së Kamenicës në Kuvendin e Asociacionit të Komunave të Kosovës (AKK)

Neni 1

Me këtë vendim zgjedhën delegatët që do të përfaqësojnë Komunën e Kamenicës në Kuvendin e Përgjithshëm të Asociacionit të Komunave të Kosovës (AKK), për periudhën mandatarë 2025-2029.

Neni 2

Përfaqësimi i Komunës së Kamenicës në Kuvendin e AKK-së do të bëhet nga këta delegatë:

1. **Kadri Rahimaj** – Kryetar i Komunës
2. **Arbnore Beqiraj Fera** – Kryesuese e Kuvendit Komunal
3. **Berat Dërmaku** – Anëtar i Kuvendit

Neni 3

Delegatët e zgjedhur kanë për detyrë të përfaqësojnë interesat e Komunës së Kamenicës në takimet e rregullta dhe të jashtëzakonshme të AKK-së, të votojnë në përputhje me interesat e komunës, dhe të raportojnë tek Kuvendi Komunal për vendimet e marra në nivel të Asociacionit.

Neni 4

Me hyrjen në fuqi të këtij vendimi, çdo vendim i mëparshëm që bie në kundërshtim me këtë akt, shfuqizohet.

Neni 5

Vendimi hyn në fuqi 7 ditë pas publikimit në ueb faqen e Komunës së Kamenicës.

Vendimi t'i dërgohet: Zyrës së Kryetarit, Shërbimi të Kuvendit, Zyrës së Përkthimeve, Zyrës së Informimit, MAPL-së, AKK-së si dhe Q.SH.Q-arkivit.

Kryesuesi i Kuvendit Komunal


Arbnoje BEQIRAJ FERA



Republika e Kosovës
Republika Kosova-Republic of Kosovo
Qeveria –Vlada-Government

*Ministria e Arsimit dhe Shkencës/
Ministarstvo Obrazovanja i Nauke / Ministry of Education and Science*

EFERENC-Ë:	8-984
PËR/ZA/TO:	Kryesuesin e Kuvendit Komunal të Kamenicës
CC:	Jeton Qelaj, Sekretar i përgjithshëm/MAPL Erblin Hetemi, U.D. udhëheqës i departamentit ligjor dhe monitorim të komunave/MAPL Fadile Dyla, sekretare e përgjithshme/MASH
PËRMES/PREKO/THROUGH:	Elhame Shabani, u.d. drejtoreshë në DL/MASH
NGA/OD/FROM:	Hidajete Vokshi, Udhëheqëse e Divizionit për MZMLBNFL/Departamenti Ligjor/MASH
TEMA/SUBJEKAT/SUBJECT:	Përgjigje për shqyrtimin e ligjshmërisë së aktit të Komunës së Kamenicës me nr. 020-497/12 dt. 06.03.2026

Të nderuar,

Ministria e Arsimit dhe Shkencës, ka pranuar kërkesën për shqyrtimin e ligjshmërisë së aktit të Komunës së Kamenicës Vendimin Sh.01 Nr.5541 për ndryshimin dhe plotësimin e Vendimit Sh.01 Nr.21967 për formimin e Komisionit për zgjedhjen e drejtorëve dhe Zëvendësdrejtorëve në institucionet edukativo-arsimore të Komunës së Kamenicës.

Në bazë të rregullores (QRK) nr. 19/2024 për procedurat e përzgjedhjes dhe Emërimit të drejtorëve dhe Zv. Drejtorëve, mësimdhënësve, bashkëpunëtorëve profesional, asistentëve, instruktorëve dhe sekretarëve në institucione publike edukativo-arsimore dhe aftësuese (IEAA) të arsimit parauniversitar, vendimin Sh.01 me Nr. 5541 i miratuar me datë 27.02.2026, është në përputhje me Rregulloren.

Me respekt!